

## Universitätsbibliothek Paderborn

**Vita P. Camilli De Lellis Fvndatoris Religionis Clericorvm  
Regvlarivm Infirmis Ministrantivm**

**Cicatelli, Sanzio**

**Antverpiæ**

Cap. XI. Camillus statuit Congregationem extra Nosocomium fundare:  
amplecti ministerum peste infectorum: Sacerdotium suspere.

**urn:nbn:de:hbz:466:1-37267**

42 VITÆ P. CAMILLI DE LELLIS  
cuius seruabat clauem ipse Pater Franciscus  
Propheta, vnuis è sociis, tamquam eius loci  
Sacellanus, Ibi ergo quām occultissimè po-  
terant, cœtus suos faciebant, cumque alij  
domestici omnes dormirent, aut laxamenti  
gratiâ per vr̄bem irent; hi quietis & somni  
vice, simul inclusi preces ad Deum funde-  
bant: de diuinis rebus colloquebantur: cor-  
pus flagellis diuerberabant: lectione spiri-  
tuali pristinum pro Iesu Christi amore quid-  
libet patiendi desiderium confirmabant,

### C A P V T X I.

*Camillus statuit Congregationem extra  
Nosocomium fundare: amplecti mini-  
sterium peste infectorum: Sacerdotium  
suscipere.*

**C**Vn animaduerteret Camillus ex illis  
occultis Congregationibus dignū ope-  
ræ pretium nullum emergere: nec se ea quæ  
destinauerat animo, posse foras in lucem  
edere; hærebat non paucum animo confusus  
& consilij expers, nec quid tandem conclu-  
deret, certum habebat. Sed hac confusione  
& hisce dubiarum & incertarum cogitatio-  
num molestiis ipsa Dei benignitas aliorum  
seruorum suorum operâ, eum in hunc mo-  
dum

dum exoluit. Quidam ex eius amicis ( qui beato Philippo Nerio à Confessionibus vtebatur ) Marcus Antonius Cortesellus appellatus, ventitare ad Nosocomium præstandæ charitatis gratiâ solitus erat: cum illo igitur totum de Congregationis institutione consilium, quod pridem in animo habebat, comunicauit, speciatimque enarrauit, quæ sibi à Nosocomij Præsidibus nuper accidissent: precatusque est, ut si quid hac in re suppeteret auxiliij aut consilij, participem se faceret. Responsionis autem Corteselli summa hæc fuit: Quod quidem ad cogitationem talis instituendæ Congregationis attineret, rem sibi videri nec admodum extraneam , & infirmis necessariam , & habere posse successum : sed quòd cogitaret intra Nosocomij parietes illam instituere, id neque factu facile , neque etiam expediens videri: cùm scilicet nihil expectari possit boni ex ædificatione in alieno. Perinde enim hoc esse , atque struere in aëre absque ullo fundamento. Quare suadere se, vt Nosocomio excederet, & domū aliquam in ciuitate deligeret, ubi pro libitu suo initium meditato operi facheret. Cui consilio, tamquam à Deo cælitus misso, prorsus adhæsit, atque exequi omnino decreuit: tantoque magis in eo se obfirmauit, quòd consequēti Dominica idem Cortesellus ad Nosocomium

III  
174

44 VITÆ P. CAMILLI DE LELLIS  
comium reuersus hoc insuper addidit, locu-  
tum se esse cum Patre Francisco Maria Ta-  
rugi ( qui posteà fuit Cardinalis ) & fusè illi  
rem omnem exposuisse : illum verò valde  
approbasse, & quantum sibi talia conata arri-  
derent, minimè dissimulasse : quin illum hoc  
etiam amplius adiunxisse, eam Congregatio-  
nem, si tempore pestilentiae exorta esset, po-  
tuisse plurimum adiumenti multis mortali-  
bus tam maligna lue infectis importare. Cu-  
ius rei commonitio minimè in terram steri-  
lem cecidit. Siquidem Camillus hoc intel-  
lecto, hanc quoque sibi prouinciam, licet pe-  
riculi plenam, assumere, atque etiam pestilen-  
ti morbo laborantibus promptus ferre sup-  
petias destinauit : quod & posteà fecit. Sed  
quia Dominus Deus ( qui eum ad res excel-  
siores vocabat ) pedetentim in serui sui illu-  
stratione procedebat, inde accidit, vt Camil-  
lus è supradicto Cortefelli responso in alte-  
ram cogitationem multò maioris momenti,  
quam prima fuisset, ascenderit. Hæc autem  
fuit huiusmodi : quod, quandoquidem in  
animo haberet extra Nosocomium fundare  
Congregationem, nunc in mentem & cogi-  
tationem ei venerit, se, quamdiu in statu sa-  
culari & laicō ( in quo tunc erat ) consisteret,  
numquam ullos sui sectatores habiturum.  
Quare hanc iniit rationem, ut primò de Sa-  
cerdo

cerdotij susceptione , & de iis quæ ad illud  
requiruntur, cogitaret: deinde, ut factus Sa-  
cerdos missionem à Nosocomio peteret:ter-  
tiò denique ut domum in ciuitate compara-  
ret:hocque apud se decreto visus sibi est om-  
nes exsorbere posse difficultates. Iacta igitur  
in eum fiducia qui eum confortabat , mox  
aggressus est à primis fundamentis addiscere  
Grammaticam. Ad hanc magistro usus est  
quodam S. Iacobi Sacellano , qui dominus  
Antonius Biskainus nominabatur : à quo  
lectionem quotidie accipiebat: sed eo vitâ  
functo, admirabilis Dei prouidentia illi alte-  
rum multò magis idoneum prospexit Bar-  
tholomæum nuper Sacerdotem à Biscaglia,  
qui,tamquam cælesti illustratione accepisset,  
hunc rudem hominem quiddam magnum  
in Ecclesia Dei aliquando præstiturum, cura  
planè admirabili semper illi aderat , exsti-  
mulabat, impellebat ad discendum. Quare  
dici non potest , quantum studij ac diligen-  
tiæ Camillus ad eam disciplinam percipien-  
dam tali incitatore attulerit: cùm & ambu-  
lando per Nosocomium lectionem suam ad-  
disceret , & de manibus librum vix vimquam  
deponeret. Quin & posteà , præ desiderio  
quam citissimè destinata exequendi , non  
dubitauit ( quamvis trigintaduorum esset  
annorum) aliquanto tempore publicas scho-  
las

VII  
174

46 VITÆ P. CAMILLI DE LELLIS  
las Societatis IESV adire, & infimam Gram-  
maticæ classem cum pueris frequentare.  
Adeò post Dei amorem cum alia omnia,  
tum etiam pudorem & quamcumque eru-  
bescientiam ponebat. Res porrò erat non  
mediocri admiratione digna, videre quan-  
cum humilitate & patientia in ea classe se ge-  
reret: vbi sanè aliter fieri non poterat, quin  
maxima perfunderetur verecundia, cum se  
tam grandi natu & tanta corporis procerita-  
te, in medio tot pusillorum puerorum ver-  
sari consiperet. Postremò, tantum diuina  
opitulante gratia allaborauit, & tales in stu-  
diis progressus fecit, ut eorumdem Patrum  
Societatis IESV iudicio, (qui illum valdè dili-  
gebant, & quem domus S. Iacobi Prefectum  
sciebant) idoneus ad Sacerdotium euaserit.

## C A P V T X I I .

*Camillus diuina gratia duas magnas elu-  
ctatus difficultates fit Sacerdos.*

**Q**UAMPRIMÙM Camillus se ad susci-  
piendos Ordines idoneum sensit, & Ro-  
manum examen P. Stephani Tuccij subiit,  
confestim de iis breuī capessendis cogitavit.  
Sed mox duæ occurserunt grauissimæ diffi-  
cultates: quarum prior fuit, quod cum qua-  
dam